


Ni Presidente
Thomas S. Monson



Awan Ditoy, no Di ket Nagungaren

Ita nga agdama, dagiti laeng narba a pasdek ti natda iti Capernaum, dayta a ciudad iti igid ti baybay, a sentro ti panagserbi ti Mangisalakan iti Galilea. Ditoy, nangasaba Isuna iti sinagoga, nangisuro iti igid ti baybay, ken nangagas kadagiti pagtaengan.

Iti rugi ti panagserbina iti daga, inadaw ni Jesus ti binatog manipud iti Isaias: “Ti Espiritu ti Apo a Dios adda kaniak; ta ti Apo pinulotannak a mangikasaba kadagiti naimbag a damdamag kadagiti naemma; imbaonnak a mamatapat iti puso a nadunor, a mangiwaragawag iti wawaya kadagiti nakayawan, ken ti pannakalukat kadagiti nabalud” (Isaias 61:1; kitaen met iti Lucas 4:18)—nalawag a pannakaiwaragawag iti nadosan a plano tapno mangispal kadagiti annak a babbai ken lallaki ti Dios.

Ngem ti panangasaba ni Jesus iti Galilea ket panangirugi laeng. Ti Anak ti Dios ket kanayon a naaddaan iti nakaam-amak a lugar a pagtataripnongan a napagtali-naed iti maysa a turod a managan iti Golgota.

Natiliw iti Minuyongan ti Getsemane kalpasan iti Maudi a Panangrabii, pinanawan dagiti disipulona, natupraan, nasubok, ken naibabain, ni Jesus ket inkarigatanna ti nagna gapu iti baklayna a dakkal a krus a nagturing iti Kalbario. Dimmur-as manipud iti panagballigina iti pannakaliput, nakaro a pannakaparparigat, ken ipapatay iti krus.

Kadagiti balikas ti kanta a “Ti Nasantuan a Siudad”:

Nabaliwan ti buya. . . .

Nalam-ek ken makapigerger ti agsapa,

Iti itatakder ti anniniwan ti krus

Iti rabaw ti naliday a turod.¹

Para kadatayo inted ti Nailangitan nga Ama ti Anakna. Para kadatayo ti Inauna a Kabsattayo ket intedna ti biagna.

Iti maudi a kanito mabalin koma ti Maestro a babawyen. Ngem dina inaramid. Pinagdaananna ti baba ti amin a banag tapno maisalakanna ti amin a banag: ti puli ti sangkatawan, ti daga, ken amin a biag a nag-naed ditoy.

Awan dagiti balikas iti Nakristianuan a Lubong ti natpatateg pay kaniak ngem dagiti insao ti anghel iti agsangsangit a Maria Magdalena ken ti sabali pay a Maria bayat ti yaasidegda iti tanem tapno asikasuenta ti bagi ti Apoda: “Apay-apay sapulenyoy kadagiti natay ti sibibiag? Awan ditoy, no di ket nagungaren” (Lucas 24:5–6).

Gapu iti daytoy a waragawag, naisalakanen dagiti nagbiag ken natayen, dagiti agbibig ita ken matayto iti maysa nga aldaw, ken dagiti mayanak ken matayto pay laeng.

Kas bunga ti balligi ni Cristo iti tanem, agungarta-yonto amin. Daytoy ti pannakasubbot ti kararua. Insurat ni Pablo:

“Adda met . . . bagbagi a nailangitan, ken bagbagi a naindagaan: ngem maysa ti dayag dagiti nailangitan, ket sabali ti dayag dagiti naindagaan.

“Maysa ti dayag ti init, ket sabali ti dayag ti bulan, ket sabali ti dayag dagiti bitbituen: ta ti maysa a bituen maisupadi ti dayagna iti sabali.

“Kasta met ti panagungar dagiti natay” (1 Taga-Corinto 15:40–42).

Daytoy a dayag a nailangitan ti sapulentayo. Iti sidong ti Dios ti tarigagayantayo a pagnaedan. Daytoy nga agnanayon a kaamaan a kayattayo a pagkamengan.

Kenkuana a nangispal iti tunggal maysa kadatayo manipud iti awan patinggana nga ipapatay, paneknekak nga Isu ket mannursuro iti kinapudno—ngem ad-adda pay Isuna ngem iti maysa a mannursuro. Isu ti pagwadan ti naan-anay a biag—ngem ad-adda pay Isuna ngem iti maysa a pagwadan. Isu ti naindaklan a mangngagas—ngem ad-adda pay Isuna ngem iti maysa a mangngagas. Isu ti pudno a Mangisalakan iti lubong, ti Anak ti Dios, ti Prinsipe ti Kappia, ti Nasantuan ti Israel, ti nagungar nga Apo, a nangipakdaar, “Siak ti umuna ken maudi; Siak ti nagbiag, Siak ti napapatay; Siak ti mangibabaet kadakayo iti Ama” (DkK 110:4).

“Oh, anian a nagsam-it ti rag-o nga ited daytoy a bina-tog: ‘Ammok nabiaq Mannubbotko!’”²

Iti daytoy paneknekak.

DAGITI NAGADAWAN

1. Frederick E. Weatherly, “The Holy City” (1892).
2. “Ammok a Nabiaq Mannubbotko,” *Pagbatayan ti Ebanghelio* panid 350.

PANANGISURO MANIPUD ITI DAYTOY A MENSAHE

Dagiti nalaing a mannursuro ket yallukoyda ti panagkaykaysa kadagiti suruanda. Bayat ti panangiburay dagiti tao kadagiti panniriganda ken dumngeg a

siraraem iti tunggal maysa, saanda laeng a makasagrap iti nasayaat nga aglawlaw iti panagsursuro ngem ketdi agbalinda pay nga ad-adda a nakaykaysa (kitaen iti *Teaching, No Greater Call* [1999], 63). Dumur-as ti panagkaykaysa kadagiti sursuruanyo bayat ti narukbab a panangiburayyo ken panangiburayda iti pammaneknek iti Pannubbot ni Jesucristo ken ti Panagungarna. Daytoy a panagkaykaysa ket makatulung kadagiti kaamaan a mangsurot iti pammagbaga ni Presidente Monson nga agbalin nga “agnanayon a kaamaan.”

AGTUTUBO

Impakitana Kadatayo ti Dalan nga Agsubli iti Pagtaenganna

“Immay ti Mangisalakan iti daga tapno ipakitana kadatayo no kasano ti agtungpal iti plano a naaramid iti langit—maysa a plano a, no matungpal, ket mangpagsakto kadatayo. Impakita ti pagwadanna kadatayo ti dalan nga agsubli iti pagtaengan ti Nailangitan nga Amatayo. Awan ti asino man a nagbiag ti nagbalin a ‘natibker [unay] ken saan a maisin’ (Mosiah 5:15). Di kaano man natikaw Isuna. Impamaysana ti panangipatungpal iti pagayatan ti Ama, ken nagtalinaed a napudno iti nadiosan a misionna. . . .

“Pasetkayo dayta a nakakaskasdaaw a plano a naidatag iti pagarian iti biag sakbay iti yaay ditoy daga. Napadpadaan ti idadatengyo ditoy daga ita manipud pay idi naawat ti plano. Ti saadyo iti panawen ken lugar ket saan nga aksidente. Ti ‘aglaplapusanan a pammati ken nasayaat nga ar-aramidyo’ (Alma 13:3) ngarud ti nangikabil iti pamuon para iti no ania ti maileppasyo ita no napudno ken natulnogkayo. . . . Addaankayo iti dakkel a trabaho nga aramiden. Tapno maileppas ti nadiosan a misionyo ken matungpal ti plano ti kinaragsak, nasken nga agbalinkayo met a natibker ken saan a maisin.”

Elaine S. Dalton, *sapasap a presidente ti Young Women, “At All Times, in All Things, and in All Places,” Liahona, Mayo 2008, 116.*



Pammati • Pamilia • Tulong

Ti Panggep ti Relief Society

Sikakararag nga adalenyo daytoy a material ken, no maitutop, paglilinnawaganyo daytoy kadagiti kakabsat a babbai a sarungkaranyo. Usarenyo dagiti saludsod a mangtulong kadakayo a mangpapiagsa kadagiti kakabsatyo a babbai ken mangaramid iti Relief Society nga aktibo a paset iti bukodyo a biag.

Idi damo a maawagan ti pangluenmi, naikkankami iti sumagmamano a pagadawan maipanggep iti pakasaritaan iti Relief Society. Sikakararag nga inadalmi dagitoy, a nagtarigagay a mangammo ti panggep ti Relief Society ken no ania ti kayat ti Apo nga aramidenmi. Nasursuromi a ti panggep ti Relief Society kas impasdek ti Apo ket mangbukel, mangisuro, ken mangparegta kadagiti annakna a babbai tapno maisaganada para kadagiti bendision ti agnanayon a biag.

Tapno matungpal daytoy a panggep ti Relief Society, inawagan ti Apo iti tunggal kabsat a babai ken ti organisasion a kas sibubukel tapno:

1. Mangpadur-as iti pammati ken bukod a kinalinteg
2. Mangpapiagsa kadagiti kaamaan ken pagtaengan.
3. Mangipaay iti tulong babaen iti panagserbi iti Apo ken kadagiti annakna.

Maaramiddaytoy laeng daytoy nga aramid iti wagas ti Apo no sapulen, awaten ken agtignaytayyo babaen iti bukod a paltiing. No awan ti bukod a paltiing, saantayo nga agballigi. No dumgegtayo iti bukod a paltiing, saantayo a mapaay. Isursuro kadaytoy ni propeta Nephi a ti Espiritu Santo ti mangipakitanto

kadaytoy “ti amin a banag a rum-beng nga aramiden[tayo]” (2 Nephi 32:5). Nasken a palugodantayo ti bagbagitayo nga agbalin a natalna ken naulimek a dumngeg iti timek ti Espiritu.

Kakabsat, addaantayo iti napateg nga akem nga aramiden iti itutulog a mangbangon iti pagarian ti Dios ken panagsagana para iti yaay ti Apo. Kinapudnona, saan a maileppas ti aramid ti Apo nga awan ti tulong dagiti annakna a babbai. Gapu iti dayta, namnamaennatayo ti Apo a nayonantayo ti datontayo. Namnamaennatayo a mangipatungpal iti panggep ti Relief Society a kas iti di kaano man idi.

Ni Julie B. Beck, sapasap a presidente ti Relief Society.

Manipud kadagiti Nasantuan a Kasuratan

Deuteronomio 6:5–7; Lucas 10:30–37; Santiago 1:27; 2 Nephi 25:26; Mosiah 3:12–13

Manipud iti Pakasaritaantayo

Idi Hunio 9, 1842, miting ti Relief Society, insuro ni Propeta Joseph Smith kadagiti kakabsat a babbai a ti gimongda ket “saan laeng a tumulong kadagiti nakurapay, ngem ketdi mangisalakan kadagiti kararua.”¹ Daytoy a palawag nga

addaan iti naespirituan kasta met iti naindagaan a panggep ket nangiladawan iti Relief Society iti intero a pakasaritaanna. Idi 1906 insuro ni Presidente Joseph F. Smith (1838–1918): “[Ti Relief Society] ket saan laeng a mainaig kadagiti kasapulan dagiti nakurapay, dagiti masakit ken dagiti agkasapulan, ngem paset ti pagrebbenganna—ken ti dakdakkell pay a paset—ti mangkita iti naespirituan a pagimbagan ken pannakaisalakan dagiti inna ken annak a babbai ti Zion; mangkita nga awan ti mabaybay-an, ngem ketdi amin ket mabantayan manipud iti kinadaksanggasat, kalamidad, dagiti bileg ti kinasipnget, ken dagiti dakes a mangdaael kadakuada iti lubong.”² Idi 2001 inulit nga imbaga ni Elder M. Russell Ballard iti Korum dagiti Sangapuloketdua nga Apostol, “Tunggal kabsat a babai iti daytoy a Simbaan a nangaramid iti katulagan iti Apo ket addaan iti nadiosan a bilin a tumulong a mangisalakan kadagiti kararua, mangidaulo kadagiti babbai iti lubong, mangpapiagsa kadagiti pagtaengan ti Zion, ken mangbangon iti pagarian ti Dios.”³

DAGITI NAGADAWAN

1. Joseph Smith, *History of the Church*, 5:25.
2. *Teachings of Presidents of the Church: Joseph F. Smith* (1998), 185.
3. M. Russell Ballard, “Women of Righteousness,” *Liahona*, Dis. 2002, 39.

Ania ti Maaramidko?

1. Ania a pammaregta ti naawatko tapno tumulong kadagiti kakabsatko a babbai a dumur-as iti pammati ken bukod a kinalinteg ken mapapigsa dagiti kaamaan ken pagtaenganda? Ania a tulong ti maipaayko?

2. Kasano a mausarkonto daytoy a mensahe tapno mapapigsa ti pammatik ken manayonan ti bukodko a panagkumit iti bukod a kinalinteg?

Para iti mainayon nga impormasion mapan iti www.reliefsociety.lds.org.